

新安縣志卷

十九

新安縣志卷之九

新安縣知縣邱 綦續纂

禮儀志 增

慶賀

開讀

新任

迎春

行香

封印

救護

祈禱

講約

鄉飲

鄉射

送學

賓興

貢試

公車

安上治民莫善於禮而等威有辨故節文度數之間
無容以或紊韓侂二志概未之逮殊屬闕畧謹按
大清會典所載序列成慶首慶賀肅臣分也次開讀重
詔命也新任慎蒞始也迎春敬授時也救護祈禱以理陰
陽讀法飲射以廣教澤行香回告朔之遺意封印亦
休息之至情至若採芹泮水折桂蟾宮本書升之典
以掄材隆成均之選以備用莫不有禮即莫不有儀
用是臚列詳明與邑人士共考稽而恪守之也云爾

慶賀

增

禮儀志第一

典禮莫隆於慶賀蓋以肅臣子之分非徒壯觀瞻已也
按

今制凡恭遇元旦冬至

萬壽三大節均有朝賀易前代五拜三叩首之禮為三

跪九叩首外臣由督撫下逮州縣一體舉行因冠於各禮之首用以凜嚴恪之忱而媚茲之誠亦可

想見云

儀注凡慶賀豫設香安龍亭於

萬壽亭至日黎明各官朝服齊集糾儀官一員先行禮

立於簷下以糾儀贊禮生贊排班大小各官以次

就拜位文東武西立文官知縣為一班教諭訓導

典史另為一班陰醫僧道等官另為一班武官外
委另為一班班齊贊跪叩與各官行三跪九叩頭
禮贊退各官退出凡

萬壽元旦冬至三大節前後穿朝服七日慶賀

皇太后聖誕同儀節亦同慶賀

皇后千秋儀節亦同

開讀

增

禮儀志第二

禮曰王言如綸詩云宣昭義問所以一道德同風俗也故凡

詔誥頒示中外例有開讀之儀雖越在海隅咸可家喻戶曉謹詳其儀庶祇承之下不致貽羞於闕越矣

儀注地方官員具龍亭綵輿儀仗鼓樂出郭迎接使者下馬捧

詔置龍亭中南向使者立於亭東地方官員具朝服北向行三跪九叩頭禮鼓樂前導使者上馬隨亭後行至公廨門外衆官先入文武分東西序立候龍亭至公庭中使者立龍亭之東西向贊排班樂作行三跪九

叩頭禮使者捧

詔授展讀官展讀官跪受誥開讀案前宣讀衆官皆跪宣
讀畢展讀官捧

詔授使者使者捧置龍亭中衆官行三跪九叩頭禮畢皆

退即行膳黃分頒

右按會典朝使頒讀禮纂入本邑舊例只用禮生展讀不用職官

亦取其嫻熟之意

又按定例凡

詔書經過地方官員軍民人等俱跪路傍候

詔過方起五里以內府州縣衛文武等官俱出城迎送五里外者不許

新任 增

禮儀志第三

一邑之民社掌之縣正故當下車伊始未親政令先瞻儀度而後此之賞罰利弊胥於是日卜之則學製發劍其何以展治譜勵循吏無負兒童竹馬之迎與

儀注是日新官具公服典史率各房吏典并合屬官

生人等導引新官先詣城隍廟陳牲醴致告行一跪

三叩頭禮獻爵讀祝或誓辭讀畢仍行一跪三叩頭

禮畢導引至本衙門儀門前陳牲醴致祭行一跪三

叩頭禮如前儀畢導引至月臺上設香案朝服望

闕行三跪九叩頭禮易公服拜印行一跪三叩頭禮畢坐

公座開印皂隸排衙吏房呈押公座畢吏役生員屬官各參見禮畢進內署安設香火竈神三日內行香

講書

按舊規有先一日宿廟次日誓神上任者亦可

附講書儀

先於明倫堂設公座並儒學公座又武諸生拱候於儒學門外新官至一揖導引詣

明倫堂儒學官出堂迎入一揖各升公座諸生行庭參禮新官拱答儒學官送名籤掣令講書值講之生向上三揖端立抗聲講訖書義畢三揖而退又次掣講如前儀畢新官申訓辭分給紙筆獎值講者新官起儒學官送至堂下揖別諸生仍趨儒學門外拱候揖送。其行看儀同朔望見後

按賦役

全書康熙十四年新裁款項內載有新官到任祭牲酒席原額銀二兩除荒實徵銀五錢九分六

釐四

迎春增

禮儀志第四

月令云立春之日天子率諸侯大夫迎春於東郊所以宣時令重農功也今有司亦有迎春之例謹按大清會典臚其儀如左所謂布德和令行慶施惠古禮於是乎在願可視為具文而弁髦之與

儀注先期塑造春牛芒神前一日各官常服迎至縣

門外土牛南向芒神在東西向立春日早陳設香燭

酒果各官具朝服贊排班贊跪叩興各官行一跪三

叩頭禮興贊跪奠酒領班官奠酒三爵贊叩興各官

行一跪三叩頭禮興昇土牛芒神行香亭鼓樂前導

各官朝服後隨至東郊各官執綵杖環立土牛兩傍

贊擊鼓樂工播鼓贊鞭春各官環擊土牛三禮畢各

退

按新邑迎春舊例皆前期一日朝服至東郊迎并土牛芒神安設於儀門外次日按時鞭春不知何

據今遵會典改正

附土牛式

水土取歲德方位牛像頭至尾椿八尺按八卦尾一尺二寸按十二時高四尺按四時胎骨用

桑柘木顏色視立春日干為頭角耳支為身納音為蹄尾肚各取所屬五行分青赤白黑黃籠頭栒索視

立春日支色四孟日麻仲亭季日絲栒子用桑柘木

附芒神式

身像高三尺六寸按一年三伯六十日寅中巳亥年像老子午卯酉年少壯辰戌丑未年孩童

正旦前後五日内立春為忙與牛並立前五日外立春為早忙立牛前後五日後外立春為閑立牛後六支

陽年立右陰年立左服色視立春日支受尅為衣尅衣之色為繫腰頭髻視立春日納音位陽前陰後

耳視立春時氣日戴皮提鞋袴行蹕有無寧懸左右
視立春日納音之氣與位陽有陰無陽左陰右鞭結
用柳枝長二尺四寸按二十四氣結子
麻苧絲視月孟仲季俱以五絲染色

又〔按〕迎春禁例各官拜迎芒神土牛只用鼓樂綵亭
其勒令監商當舖行戶糧扮故事臺閣排列金珠張
鼓樂樹旗幟併科派里長提取馬足車輛伶人娼婦
等項嚴行禁止如有前項糜費并各官借端派累該
督撫科道題叅交與該部議處○查新邑賦役全書
康熙十四年新裁款項下載有迎春芒牛春杖酒席
原額銀四兩除荒實徵銀五錢九分二釐九毫
歷今俱係捐辦亦併無故事檯閣等類糜費

此篇尾空

行香增

禮儀志第五

治民事神為宰所有事故典禮春秋祭祀外凡遇朔望例有行香一節至期則有司官率僚屬詣各廟行禮亦因氣候一小變用申致虔之義云爾

儀注每朔望日黎明各官朝服詣

文廟暨

崇聖祠

關帝廟俱行三跪九叩頭禮換補服詣城隍廟土地祠

各行一跪三叩頭禮

本邑舊例每月朔望日行香尚
有文昌祠馬明王祠蕭曹祠各

行一跪三叩頭禮又舊例每月行香後詣
明倫堂講書與上仕講書儀同不複載

〔按〕朔望日各衙門俱遣使持柬賀節所屬之員則親詣稟賀自省會下達郡縣皆通行之又吏役更班鄉保畫卯亦均用此日

〔附〕贊禮生定例額設四名